

六十種曲



六十種曲

(三)

毛

晉編

916019

PDG

繡刻玉簪
記定本

新學堂

PDG

目錄

第一齣 標目

第二齣 命試

第三齣 南侵

第四齣 遇難

第五齣 投庵

第六齣 假宿

第七齣 依親

第八齣 譚經

第九齣 會友

第十齣 手談

第十一齣 鬧會

第十二齣 下第

第十三齣 求配

第十四齣 幽情

第十五齣 破虜

第十六齣 寄弄

第十七齣 耽思

第十八齣 叱謝

第十九齣 詞媾

第二十齣 詭媒

第二十一齣 姑阻

第二十二齣 促試

第二十三齣 追別

第二十四齣 占兒

第二十五齣 奏策

第二十六齣 相寬

第二十七齣 擢第

第二十八齣 設計

第二十九齣 誑告

第三十齣 情見

第三十一齣 回觀

第三十二齣 重效

第三十三齣 合慶

玉簪記

明高濂著

第一齣 標目

〔沁園春〕〔末上〕陳女姱容。潘生俊雅。姻親指腹。奈兵戈驚散。子母天涯。女娘指引。寄跡煙霞。張公借宿。詞調空誇。王郎鬧會。惹嗟呀。潘生投觀。天遣會嬌娃。堪佳美女才華。暗寫情詞。怨出家。豈知才郎邂逅。詞章入手。相思情逗。到難遮。鳳鸞方就。姑意會猜。秋江逼試。淚如麻。榮歸處。夫妻子母。重喜會兼葭。

第二齣 命試

〔二剪梅〕〔外上〕白髮蕭蕭。今已老。歸閒堪守林臯。夢回青瑣。戀王朝。欲報圖勞。且教子勤勞。〔鷓鴣天〕解組歸來十有年。黃花白柳思蕭然。燈前殘卷堪遺訓。花下新詩近滿編。追往事。淚空懸。姻親曾結射屏緣。如今眼底天涯闊。安得魚鴻遠寄箋。老夫潘夙。昔舉明經官。叨府尹。荆妻吳氏。景入桑榆。孩兒必正。時稱瑚璉。舉業雖勤。尚愧升堂入室。姻親有約。應慚倚樹攀。

蘿。今聞上國徵賢。不免請夫人商議。叫孩兒去赴試。有何不可。夫人有請。

〔前腔〕〔老旦上〕繡窗風雨促殘年。鶯花又遍春園。青衿朝暮喜承歡。志在藝

鹽。樂在斑斕。三月鶯花嘯綺林。隔牆紅杏得先春。玉鉤未許驚飛燕。靜院人閒白晝深。〔相見科

外〕夫人。孩兒功名之事。每掛于懷。家室之宜。常存念想。我自開封府與同僚陳老先生十分契合。指腹結姻。他女我男。曾以玉簪鴛鴦爲聘。今經一十六載。別來歲久。未得諧姻。一向杳無音問。不知親家晚景如何。兒媳閨訓如何。使我時常憂念。〔老旦〕老身每每在心。無如奈何。數年前陳旺曾來問候。我們一向無人遣答。深慚報稱。〔外〕夫人。如今春選徵賢。且把婚姻之事。不要說起。只索打發孩兒赴京應試如何。〔老旦〕甚好甚好。孩兒那里。

〔菊花新〕〔生上〕絳桃春暖魚龍變。向芸牕志絕韋編。功名一字總由天。誰羨

乘軒服冕。春風桃李遍柴荆。花館琴書不絕吟。家訓喜存詩禮在。晨昏問學早趨庭。〔相見科外〕

孩兒你雖登鶚薦。未躍龍門。卽今春來會舉。你可早向長安訪學朋儕。因而入試。奪取功名書香步。武那時替你迎娶家室。以遂于飛有何不可。〔生〕爹爹在上。若論功名之事。當遵台命。婚姻成否。

何必掛懷。〔外〕既然如此。進安那里。〔丑進安上〕抱琴聽月露。洗墨惹煙雲。受得燈窗苦。方成館閣人。稟上老爺奶奶。有何分付。〔外〕進安。你可急去收拾琴劍書箱。跟隨大相公長安赴試。休得遲誤。〔丑〕知道了。腰懸三尺劍。箱捲五車書。〔下外〕孩兒。今日黃道良辰。可就此拜別前去。
〔園林好〕〔生〕念咫尺驕驄遠遊。奈蕭瑟庭幃景幽。此去雲山迤逗。搵不住淚雙流。按不下苦心頭。

〔江兒水〕 老旦習學時方就。功名志欲酬。我那兒。上林試展攀花手。未行先問歸時候。〔外〕休因離別重回首。快着絲鞭馳驟。豹尾螭頭。佩玉爭先左右。
〔五供養〕〔生〕胸中自剖。論所學孰先孰後。詞傾三峽水。氣吐五湖秋。我那親行景入夕陽衰柳。關河空有夢。離恨倩誰收。腸斷雲霓。淚沾紅袖。

〔玉交枝〕 丑挑行李上行囊簇就。相公。門兒外蘭棹待舟。征帆早渡潮時候。休因離別綢繆。〔老旦〕進安。大相公呵。樟亭風露不慣遊。河橋車馬當先後。〔生〕望白雲頻瞻故丘。〔外〕上青雲名揚鄉舊。

〔川撥棹〕〔老旦〕難消受。夢初回。風雨稠。〔外〕但得你身占熬頭。但得你身占

熬頭。繼簪纓佐宸旒。〔挽生科〕且登臨莫強留。〔老旦〕我那兒把音書頻寄修。

〔尾〕〔衆〕淚痕別處迤紅豆。客路不堪回首。〔老旦〕我兒。莫把閒心在歸處留。

離別相看淚兩眸。

飛花啼鳥恨悠悠。

出門幾摺風帆起。

人在眼前天盡頭。

第二齣 南侵

〔新水令〕〔淨兀朮上〕一聲長笑海天秋。擁旌旄龍爭虎鬪。鑿門占旺相。據地阻

咽喉。百萬貔貅。看帝業歸吾手。〔西江月〕兩眼星吞炯炯。一身虎賁昂昂。殺聲直欲暗天光。

那管銀河翻浪。直欲中原無主。更教四海驚慌。旌旗電閃下長江。那個爭先攔擋。自家兀朮四太子

是也。自與宋家南北分途。志猶未滿直欲一統中原。方遂吾意。時下風高馬壯。不免叫把都兒們整

頓弓馬。擄掠南朝。得些金珠子。女糧餉貨物。獻與我主。有何不可。今日乃黃道吉日。衆把都兒們。就

此起程。

〔北普天樂〕〔淨〕錦雲聯繁華境。看花柳開相映。鶯啼處鶯啼處。畫閣朱扉。淡悠悠水遠共山橫。〔合〕呀。看旌旗掩映。刀鎗耀日明。聽馬前哈喇千里千里血染猩猩。

〔北朝天子〕〔衆〕鴈南飛入雲。兔深藏茂林。聽轟雷喊吶齊爭勝。翻天倒浪。鬧嚷嚷哈吡。急睜睜如狼狠。吹嗩嘍幾聲。打羯鼓幾聲。好撒贏撒贏撒撒。樓紅妝曉來未醒。打辣酥堪消悶。

〔北普天樂〕〔淨〕奪山河爲吾境。拚殺得天花淨。長江上萬馬萬馬爭鳴。嚇死人陣陣也金兵。〔合前〕

〔北朝天子〕〔衆〕見山城幾墩。見樓臺幾村。那塵埃滾滾人逃奔。天昏地黑。哭哀哀喊聲。我這裏笑哈哈把弓刀整。擺霜蹄幾程。列戰舸幾程。密密密密。密密鼓兒打咚咚的緊。怕甚麼人不順。〔淨〕把都兒們。傳下號令。天色已晚。就此安營。明早殺上前去。

衰草白連天。

村村絕火烟。

從教南渡馬。

盡化作啼鵲。

第四齣 遇難

〔念奴嬌〕〔淨陳夫人旦嬌蓮上〕〔淨〕繁華過眼。似夢中喚醒。世隔當今。休說朱門排榮戟。如今庭樹蕭森。人逐仙遊。家遭歲歉。積苦盈方寸。〔旦〕眉愁黛鎖。有恨向誰評論。〔千秋歲引〕〔淨〕我兒。你看春去閒階。風乍軟。花飛無力。一望處。田園荒廢。門庭蕭瑟。堤擁當年車馬隘。如今誰問閒消息。想吾生富貴等浮雲。今方識。〔旦〕鸚鵡洲。鳳凰闕。烟波外。愁恨疊。看高處。雙丸催殘朝夕。纔了些興亡驕魏晉。又早見爭戰仇吳越。到如今萬事屬何人。空悲切。〔淨〕老身錢氏。嫁自陳門。夫君曾拜開封府丞。黃泉早逝。老身雖封淑品。白首甘貧。夫君在日。曾與同僚府尹潘公十分交好。彼此指腹結親。玉簪爲聘。如今天涯分散。我想男女俱各長成。杳無人至。必定這一節事已付東流去了。教我做娘的每每掛懷。〔旦〕母親。自古道。一富一貧。乃見交情。一貴一賤。交情乃見。于今父喪家寒。況經年遠。此事不必提起。只索苦守便了。

〔花落寒窗〕〔淨〕盼庭柯幾度憂煎。走蕭蕭敗葉翩翩。你看含香春信。望斷隴頭人遠。想寥落白頭增嘆。此言夢惹魂牽。使人腸斷心剋。

〔前腔〕〔旦〕嘆人生萬事由天。又何須苦苦埋冤。此身飄泊。一似湛露浮烟。那些個翠遮紅掩。報言淚漬愁添。只憂春老庭萱。

〔不是路〕〔末院公上〕急報堂前。驟擁貔貅萬騎烟。你看連天暗。轟雷殺氣怎遮攔。〔淨旦悲科〕淚潸潸。難中霜雪重重見。教我母子孤單去向難。〔末〕休嗟嘆。眼前生死須臾險。急忙逃竄。急忙逃竄。〔衆作走科〕

〔皂角兒〕〔淨〕我兒。我年已老了。拚一命先歸九泉。只愁你孤身誰看。行不動去國艱難。你嬌怯怯幾曾經慣。〔內喊鼓科末〕你看你看。聽奔雷。驚飛電。馬和旂。鎗

和劍。浪滾風翻。孤身遭變。便死又難。念娘兒怎生割捨。地北天南。〔衆上驚散科〕〔清江荷葉〕你看那人荒竄奔如波走。誰敢來爭鬪。弓刀齊擺開。鎗劍分先後。

把都兒們。你看錦繡江山咱統守。海海滴滴溜溜。姐姐哈哈喇喇。錦繡江山咱統守。〔下〕

〔皂角兒〕〔淨末〕哭啼啼淚眼枯乾。叫嬌兒在何方追趕。〔淨叫科〕嬌蓮。嬌蓮。叫不應。愁恨冲天。死和生教我怎生打探。嬌蓮。嬌蓮。莫不是生投人。死投鬼。逃得過今朝難。野樹深山。孤身遭變。便死又難。念娘兒怎生割捨。地北天南。〔內作喊

聲科下〕

〔前腔〕〔旦〕亂紛紛地滾天翻。軟怯怯孤身羞面。雁聲孤月露江烟。鶯啼怯風愁雨怨。〔叫娘科〕到如今誰投奔。水程長。山程遠。地冷雲寒。兒遭分散。娘歸那邊。繡鞋兒不禁嬌顫。塞北江南。〔內作鑼鼓喊聲旦悲科〕母親既叫不應。生長閨門。那知途路。如今天色已晚。不免向深林中躲過今宵。再作區處。

深林暫躲虎狼侵。

香閣那知困此身。

自古怕逢離亂世。

天教魔殺不平人。

第五齣 投庵

〔縷縷金〕〔丑女人上〕夫和子兩分開。大家逃難走。命難捱。偷生并就死。不慚不

〔天〕天那。長途草滑溼弓鞋。越將我耽待。〔作跌倒叫痛科〕

〔前腔〕〔旦上〕行不上路途艱。前村無去所。況孤單。沒奈何。路上老娘帶我一帶。〔作

跌科丑〕

方纔我起得來。你又跌了。罷罷。起來起來。我與你同走一程。你往何方去。休教落

難。〔內鳴鑼科丑〕快走快走。身遭離亂死生間。反爲你牽絆。〔丑〕呸。自古人生面不熟。

你是何人我是誰。〔下旦跌倒哭科〕

〔宜春令〕遭兵火。值亂離。似絮隨風身無所歸。路途未慣。脚跟兒先遭狼狽。烏衣巷燕落香泥。紅亭路鶯愁花雨。悲啼。遇難如今有誰堪寄。

〔前腔〕〔貼上〕聽哀怨。聲慘悽。前面是好一位姑娘。爲何在此啼哭。不免上前問他則個。

姑娘家在何方住居。〔旦悲科貼〕看他愁緒。有萬千憂在眉間住。姑娘果從何來。

〔旦〕奴家是宦家之女。因遭兵火。子母分散。自幼不出閨門。那知途路。前後無投。在此欲尋個自盡。

〔貼〕卻原來是家破無依。那些個人來投主。姑娘奴家欲留你在家安置。因有兒夫內外不便。今見姑娘如此苦楚。況且干戈未息。也難前進。不免往此村中。有一女貞觀。皆是女姑出家。

我引你進菴暫住。意下如何。〔旦〕若得如此。就是重生父母。再養爹娘。敢問大娘高姓排行。〔貼〕奴家就是觀鄰張氏二娘。尋思。你且向空門暫時投寄。〔旦〕女貞觀在何處。〔貼〕就在前面。轉過小溪流水外。朱門低掩綠楊西。此間就是。有人在麼。

〔前腔〕〔老旦觀主上〕香二炷。理六時。聽人聲。又早堂前報知。張二娘稽首。此位娘子何來。〔貼〕他是宦家子女。因遭兵火。子母拆散。迷失路途。奴家偶然相見。特引投師掛塔。〔旦〕奴家願拜爲弟子。〔老旦〕做我弟子。不打緊。只是一件。空門滋味。捱黃齋。苦守着閒時序。〔旦〕師父在上。奴家情願皈依身畔。還有金鳳釵一雙。鸞墜一對。奉上老師。聊作薪水之費。〔老旦〕娘子說那里話。但願你受着五戒三皈。說什麼琛纈金翠。須知。這都是千里有緣能會。〔貼〕既然如此。老師父請上。待他參拜。〔老旦〕先拜了三寶。然後拜我。我且問你家。中姓甚名誰。〔旦〕奴家姓陳。小字嬌蓮。潭州人氏。年方一十六歲。未曾適人。〔老旦〕既然如此。我替你取個法名。叫做妙常。你可跪下。先拜了佛。〔旦拜跪科〕

〔金字經〕〔旦〕皈依佛。願洗着清淨心。九品蓮臺度化身。身也麼身。慈航共法。

雲。親見祇園佛世尊。〔老旦〕你可皈依了法。

〔前腔〕〔旦〕皈依法。願悟着頑空與色空。淨住迦維教闡弘。弘也麼弘。心生萬法中。願心滅無生法亦空。〔老旦〕你皈依了僧。

〔前腔〕〔旦〕皈依僧。普度着三千及大千。了義三乘共四禪。禪也麼禪。淳修建法筵。願拜着三世能修大聖賢。〔貼〕妙常拜了師父。〔旦〕師父。請受弟子一拜。

〔貓兒墜〕〔老旦〕看他儀容脩潔。舉止大人家。粉褪紅銷兩淚麻。從今休戀舊繁華。〔旦〕嗟呀。我到好了。我母親不知他生死天涯。張二娘請上。奴家從此願拜爲姐妹。〔前腔〕〔旦〕重生骨肉。恩德竟無涯。奔走髡鉗幸有家。〔貼〕妙常。黃臺休怨抱無瓜。瀟灑。且向空門中暫度年華。

〔旦〕梗跡萍蹤賴有依。

〔貼〕願君從此證菩提。

〔老〕不是三年曾有約。

誰教今日會蓮池。

第六齣 假宿